

Euskararentzako laguntzak %3 gutxiago EAEn

2010EAN Eusko Jaurlaritzak 12.690 euroko diru-laguntzak emango ditu, iaz baino 410.000 euro gutxiago. Atal batzuek ez dute inolako gorabeherarik izan, hala nola euskalgintzak (1.339.000 euro), hedabideek (5.725.000 euro) eta IKTek (1.626.000). Euskara Biziberritzeko Plan Nagusiak iaz baino 100.000 euro gehiago izango ditu, eta diru-laguntzetan behera egin duen alor bakarra LanHitz da, alegia, eremu sozioekonomikoan euskara sustatzeko alorra: iaz 2.700.000 euro jaso zituen eta aurten 2.200.000 euro izango ditu. Jaurlaritzak diru-laguntzak alor horretan murriztea erabaki

du, besteak beste, iaz horretara bideratutako laguntza osoa ez zelako erabili. Kontua da enpresei eta erakundeei, euskara bultzatzeko egindako planen %60 ordaintzen diela Jaurlaritzak, eta gainerakoa beraiek ordaindu behar izaten dute. Hala, iaz diruaren zati bat banatu gabe geratu zen. Aurten, enpresek laguntza gehiago eskatuko balute, laguntzarik gabe ez lirakeela geratuko argitu du Ivan Igartua Hizkuntza Politikarako Sailburuordetzako Koordinazio zuzendariak.

Kontsumitzaileen dekretuak atzera

AURREKO legegintzaldian, 2008ko uztailean, onartu zuen Kontsumitzaileen eta Erabiltzaileen Hizkuntz

Eskubideei Buruzko dekretua Eusko Jaurlaritzak. Saltoki handiei eragiten zien eta bezeroei, euskaraz eta gaztelaniaz, bietara zerbitzua eskaintzera derrigortzen zituen. Hala ez izanez gero isuna izango zuketean. Sozialisten gobernuak bertan behera utzi du dekretua. Errealitate soziolinguistikoak horretarako aukera eman arte hartutako erabakia dela adierazi dute, ez da beraz isunik izango.

Antzerkizale Elkarteak sortu da

EUSKAL HERRIKO Antzerkizale Elkarteak du izena eta helburua zazpi probintzietan sakabanatuta dauden indarrak biltzea eta euskarari hauspoea ematea.



Honelako albisteak egunero irakurtzeko, jaso hari@DOAN e-postaz: www.argaia.com/harpidetza_haria.php

TALAIAN

Futbol sari milioidunak

Aste honetan eta hurrengoetan, milaka milioi pertsona Hegoafrikako Munduko Futbol Kopari begira egongo dira. Telebistaren eta teknologia berrien bidez espektakulu hori planetako txokorik ezkutuenara iritsiko da. Agian, futbol zaleei hainbeste interesatzen ez zaiena da —dena edo ia dena justifikatzen baitute— “kirol” honek mugitzen duen diru kopuru erraldoia, bai publikitatean eta baita jokalariek jasoko dituzten prima milioidunetan ere. Selektzionatuak izateagatik edo azken laurdenetan nahiz azken zortzirenetan parte hartzeagatik jasoko dituzten sariez gain, lehiatzen diren 32 selektzioek sari berezia dute hitzartuta Munduko Kopa irabaziz gero. 32 selektzioetatik “Espainiako selektzioa” —La Roja edo Rojigualda— da hoberen ordaindutakoa: 550.000 euro jokalaria bakoitzeko. Munduko sarien rankinean Argentinak segitzen die 520.000 euroekin eta ondoren Ingalaterrak 470.000 euroekin. “Frantziako selektzioa” jokalaria bakoitzak 300.000 euro kobratuko lituzke Munduko Kopa irabaziz gero. “Espainiako selektzioak” beraz, talde teknikoa barne, Munduko Kopa irabaziz gero 15 milioi euro kobratuko lituzke.

“Espainiako selektzioa” jokalariek, guztiak milioidunak, “krisi ekonomikoaz jabeturik” azken laurdenetan edo zortzirenetan sartzeagatik jasoko luketen sariari uko egingo diotela esan dute! Haiek, hain patriotak, hain harroak *roja* edo *rojigualda* soinean eramateagatik, hain “kontziente krisi ekonomikoarekin”, ez die ordea 550.000 euro horiei uko egin. Egoera hori, bai eta jokalarien eta entrenatzaileen fitxaketa multimilioidunak ere, edo San Mames berriaren eraikuntza, eskandalua eta iraina dira langabezia daudenentzat eta krisi finantzario, ekonomiko eta sozial honen ondorioak jasaten ari diren langile eta pentsiodun guztiarentzat.

Juan Mari Arregi

BAHEA

gipuzkoaeuskara.net-en Alberto López Basagurennek Quebec-*ez esanak*: “Salbuespenak albuespen, nekez aurkituko ditugu ingeles-hiztunen artean frantsesaren aldeko hizkuntza bakarreko politikaren kontrako etsaiak, beti ere, haien hizkuntza erabiltzeko eskubidea bermatuta badute, egun gertatzen den gisan. Ingeles-hiztunak ohartzen ari dira aberasgarri dutela frantsesa ere ikastea eta ez dute inolako arazorik Quebec-*era iristen* diren etorkinei lehenbizi frantsesa ikasteko beharra ezartzen bazaie.

Frantsesa ezartzearen aldeko politikaren etsaiak etorkinen artean aurkituko ditugu; baina ez dira bakarrak. Gero eta gehiago dira frantsesetik bakarrik eta ezinbestez ikasi behar izatea gogoko ez duten frantses-hiztunak. Frantsesetik ikasi nahi dute baina baita ingelesez ere, kaltegarri ikusten baitute, frantsesa babesteagatik, ingelesa ondo menderatzeko aukera alferrik galtzea”.